

Carcharorion – cwyno

Os yw pethau'n mynd o chwith pan ydych yn y carchar, mae'n bosib y gallwch ddatrys y broblem drwy wneud cwyn. I gwyno, fe allech:

- defnyddio gweithdrefn gwyno'r carchar
- cwyno i'r Bwrdd Monitro Annibynnol
- cysylltu â rhywun tu allan i'r system carchardai.

Ni allwch ddefnyddio'r gweithdrefnau hyn i gwyno am **pam** yr ydych yn y carchar. Os ydych yn eich cael yn euog am drosedd nad oeddech wedi'i chyflawni, mae'n bosib y gallwch apelio i'r llys. Mae angen i chi siarad â chyfreithiwr ynglŷn â hyn.

Gweithdrefn gwyno'r carchar

Os oes gennych gwyn, y cam cyntaf fyddai siarad â swyddog yn y carchar. Os nad yw hyn yn datrys y broblem, meddyliwch am wneud cwyn ysgrifenedig. Mae'n rhaid i chi wneud hyn o fewn tri mis o ddyddiad y broblem.

Mae ffurflenni cwyno ar gael ar bob adain ac ni ddylai fod yn rhaid i chi ofyn i swyddog am gopi. I wneud cwyn, mae'n rhaid i chi lenwi'r ffurflen. Os ydych am gwyno am achos o wahaniaethu yn eich erbyn, bydd yn rhaid i chi lenwi Ffurflen Cofnodi Digwyddiad Gwahaniaethu (DIRF). Sicrhewch eich bod yn gwneud copi o'r ffurflen. Rhowch y ffurflen yn y bocs cwynion melyn. Un o swyddogion y carchar fydd yn delio â'ch cwyn yn gyntaf. Os nad ydych yn hapus â'r canlyniad, gallwch apelio i rywun uwch ac yna i'r rheolwr. Os nad yw hyn yn eich bodloni, gallwch gwyno'n uniongyrchol i Ombwdsmon y Gwasanaeth Carchardai a'r Gwasanaeth Prawf – gweler isod.

Cwynion cyfrinachol

Gallwch wneud cwyn cyfrinachol am:

- driniaeth wael yn y carchar
- ymddygiad staff eich adain
- materion meddygol sensitif.

Ysgrifennwch y cwyn ar y ffurflen gwyno a gwnewch gopi. Rhowch y ffurflen mewn amlen ac ysgrifennwch 'Confidential Access' arni. Seliwch yr amlen a'i rhoi yn y bocs cwynion melyn.

Mae'n bosib na fydd modd cadw eich cwyn yn gyfrinachol os bydd archwiliad yn y carchar.

Mae yna rai pethau nad yw'r carchar yn gallu mynd i'r afael yn uniongyrchol â nhw. Gelwir y rhain yn **faterion a gadwyd**. Mae materion a gadwyd yn cynnwys pethau fel

- parôl

www.adviceguide.org.uk

- alltudiaeth (pan ydych yn cael eich cymryd yn ôl i'ch gwlad eich hun)
- dychweliad (pan ydych yn treulio gweddill eich dedfryd yng ngwlad eich hun)
- gwrandawiadau disgyblaethol.

I gwyno am y pethau hyn, llenwch y ffurflen gwyno arferol. Fodd bynnag, mae'n bosib y bydd yn rhaid i chi aros yn hirach am ymateb oherwydd y Gwasanaeth Rheoli Troseddwyr Cenedlaethol (NOMS) neu Bencadlys y Gwasanaeth Carchardai fydd yn delio â'r broblem. Dylech dderbyn ymateb ysgrifenedig o fewn chwe wythnos.

Os hoffech gwyno am **ofal iechyd** yn y carchar, dylech ddefnyddio gweithdrefn gwyno GIG. Gweler Cymorth Ychwanegol ar waelod y daflen ffeithiau hon. Nid yw gweithdrefn gwyno GIG yn berthnasol i garchardai preifat oherwydd dylen nhw gael gweithdrefn gwyno eu hun.

Yn Lloegr, mae'r Gwasanaeth Eiriolaeth Cwynion Annibynnol (ICAS) yn gallu eich helpu i gwyno am wasanaethau GIG. Mae POhWER yn darparu gwasanaeth ICAS mewn carchardai. Cysylltwch â:

POhWER

iBIC Holt Court South
Jennens Road
Aston Science Park
Birmingham
B7 4EJ

Rhif ffôn: 0300 456 2370

Minicom: 0300 456 2764

Ffacs: 0300 456 2365

pohwer@pohwer.net

Yng Nghymru, mae Cyngorau Iechyd Cymunedol (CHC) yn sefydliadau annibynnol sy'n gallu eich helpu i gwyno am wasanaethau GIG. Cysylltwch â:

Bwrdd Cyngorau Iechyd Cymunedol Cymru

2il Lawr
33-35 Heol yr Eglwys Gadeiriol
Caerdydd
CF11 9HB

Rhif ffôn: 0845 644 7814 neu 029 2023 5558

Ffacs: 029 2023 5574

E-bost: enquiries@waleschc.org.uk

Gwefan: www.wales.nhs.uk/sitesplus/899

Cwyno i'r Bwrdd Monitro Annibynnol

Grŵp o bobl annibynnol a benodwyd gan y llywodraeth yw'r Bwrdd Monitro Annibynnol. Maen nhw'n gweithredu fel corff gwarchod buddiannau er mwyn sicrhau bod carchardai yn cael eu rhedeg yn gywir a bod y carcharorion yn cael eu trin yn deg. Gallwch wneud cwyn i'r Bwrdd Monitro Annibynnol unrhyw bryd. Fodd bynnag,

www.adviceguide.org.uk

ni fyddant yn ystyried eich cwyn oni bai eich bod wedi ceisio datrys y broblem drwy ddefnyddio gweithdrefn gwyno'r carchar.

I wneud cwyn i'r Bwrdd Monitro Annibynnol, gallwch ofyn a allwch siarad yn uniongyrchol ag aelod o'r Bwrdd Monitro Annibynnol neu ysgrifennwch atynt. Gwnewch gopi o'ch llythyr a'i roi mewn amlen wedi'i selio gyda'r geiriau 'Confidential Access' ar y blaen ynghyd â chyfeiriad Cadeirydd y Bwrdd Monitro Annibynnol.

Os yw'r Bwrdd yn cytuno, gallwch siarad ag aelodau'r Bwrdd Monitro Annibynnol heb fod swyddog y carchar yn bresennol. Gallan nhw roi'r wybodaeth i staff y carchar. Er bydd y Bwrdd fel arfer yn siarad â chi cyn trosglwyddo unrhyw wybodaeth, nid yw hyn yn digwydd bob amser.

Cysylltu â rhywun tu allan i'r system carchardai

Ombwdsmon y Gwasanaeth Carchardai a'r Gwasanaeth Prawf

Mae Ombwdsmon y Gwasanaeth Carchardai a'r Gwasanaeth Prawf yn sefydliad annibynnol. Gallan nhw ymchwilio i gwynion gan garcharorion. Dylech ddefnyddio gweithdrefn gwyno'r carchar cyn cysylltu ag Ombwdsmon y Gwasanaeth Carchardai a'r Gwasanaeth Prawf. Os yw'r Ombwdsmon yn cytuno â'ch cwyn, byddant yn argymhell datrysiaid i'r Ysgrifennydd Cartref neu'r Gwasanaeth Carchardai.

I wneud cwyn i'r Ombwdsmon, llenwch y ffurflen gwyno neu ysgrifennwch lythyr. Rhowch eich rhif carchar ar frig y llythyr. Gwnewch gopi ohono a'i roi mewn amlen wedi'i selio gyda'r geiriau 'Confidential Access' ar y blaen. Anfonwch at:

Ombwdsmon y Gwasanaeth Carchardai a'r Gwasanaeth Prawf
Ashley House
2 Monck Street
Llundain
SW1P 2BQ

Rhif ffôn: 020 7035 2876 neu 0845 010 7938 (cyfradd leol)

Ffacs: 020 7035 2860

E-bost: mail@ppo.gsi.gov.uk

Gwefan: www.ppo.gov.uk

Mae'n bosib na fydd yr Ombwdsmon yn edrych ar eich cwyn yn syth. Os yw'n cymryd mwy na deuddeg wythnos, byddwch yn derbyn adroddiadau cynnydd misol oddi wrthynt.

Cwynion i bobl eraill

Fel arfer, nid oes gwerth cwyno i rywun arall heblaw eich bod eisoes wedi defnyddio gweithdrefn gwyno'r carchar. Os ydych wedi defnyddio'r weithdrefn hon a'ch bod o hyd yn anfodlon, ceisiwch ysgrifennu:

- at eich AS. Gallwch ysgrifennu atynt yn y Tŷ'r Cyffredin, Llundain, SW1A OAA
- at eich cyfreithiwr. Gallech gael cymorth cyfreithiol i dalu am gyngor

cyfreithiol.

Cymorth ychwanegol

Y Ganolfan Cyngor ar Bopeth

Mae'r Canolfannau Cyngor ar Bopeth yn rhoi cyngor cyfrinachol, diduedd ac annibynnol yn rhad ac am ddim i'ch helpu chi i ddatrys eich problemau. Mae rhai Canolfannau Cyngor ar Bopeth yn rhedeg sesiynau cynghori yn y carchar. Os ydych yn y carchar, dylech wirio i weld os ydynt yn rhedeg y sesiynau hyn yn eich carchar chi. Os nad ydynt yn cynnal y sesiynau hyn, gofynnwch i aelod o staff y carchar am gyfeiriad eich CAB agosaf ac ysgrifennwch atynt Os nad ydych yn y carchar, cliciwch ar CAB agosaf, neu edrychwch yn eich llyfr ffôn dan y llythyren C.

Y Gwasanaeth Cynghori Carcharorion (PAS)

Blwch post 46199
Llundain
EC1M 4XA

Rhif ffôn: 020 7253 3323 / 0845 430 8923 (dydd Llun, dydd Mercher a dydd Gwener
9:30am – 1:00pm a 2:00pm – 5.30pm)

Ffacs: 020 7253 8067

E-bost: advice@prisonersadvice.org.uk

Gwefan: www.prisonersadvice.org.uk

Mae'r Gwasanaeth Cynghori Carcharorion (PAS) yn darparu cyngor a gwybodaeth i garcharorion ynglŷn â'u hawliau fel carcharorion. Nid yw PAS yn delio â chamwedd neu apelïadau yn derbyn euogfarn neu ddedfryd.

Gwybodaeth arall ar Adviceguide a allai eich helpu

- Defnyddio cyfreithiwr
- Cwynion GIG a gwasanaethau cymdeithasol awdurdodau lleol yn Lloegr
- Cwynion GIG yng Nghymru
- Cymorth gyda chostau cyfreithiol
- Carcharorion - llythyron
- Carcharorion – cael cymorth ychwanegol

Caiff y dudalen ffeithiau hon ei chynhyrchu gan [Gyngor ar Bopeth](#), enw gweithredol Cymdeithas Genedlaethol y Canolfannau Cyngor ar Bopeth. Ei ddiben yw darparu gwybodaeth gyffredinol yn unig ac nid yw'n ddatganiad llawn o'r gyfraith. Mae'r wybodaeth yn berthnasol i Loegr a Chymru yn unig.

Diweddarwyd y daflen ffeithiau hon ar 7 Rhagfyr 2011, a chaiff ei adolygu'n rheolaidd. Os ydych wedi cael y daflen ffeithiau hon am gyfnod, cysylltwch â'ch Canolfan Cyngor ar Bopeth er mwyn gwirio os yw'r wybodaeth sydd arni yn dal i fod yn gywir. Neu rhowch glic ar ein gwefan - www.adviceguide.org.uk - lle gallwch lawrlwytho copi diweddaraf.